

羅天大醮午朝科

各禮師存念如法

丹靈朱火	炎霞激風	赤輪剛運	天光八衝
迸威包羅	交變萬方	流金豁落	群魔滅蹤
辟奸破妖	明耀元功	金符召制	躡雲策龍
謠歌慶會	散花太空	神化冥運	四極安隆
伏御帝前	罔有不恭		

鳴法鼓二十四通

無上三天玄元始三炁太上老君 召出臣身中三五功曹 左右官使者  
 左右捧香金童 傳言散花玉女 五帝直符直日香官 各三十六人  
 出 出者 嚴裝顯服 冠帶垂纓 關啟 玄壇土地 方域神真 臣  
 今午朝升壇行道 朝謁帝真 謹奏為入意 其諸誠意 具載絨牒  
 願得  
 太上至真道炁 靈寶瑞光 下降流入臣身中 令臣所啟之誠 速達  
 徑御  
 至真無極大道

羅天大醮午朝科

清微藏書閣

三清上聖

昊天至尊金闕玉皇上帝

御前

請稱法位

具位 與臨壇官眾等

謹同誠上啟

虛無自然元始天尊

無極大道太上道君

太上老君

高上玉皇

十方已得道大聖眾

至真諸君丈人

三十二天帝君

玉虛上帝

玉帝大帝

東華南極

西靈北真

玄都玉京金闕七寶瓊臺紫微上宮靈寶至真明皇道君

三十六部尊經  
玄中大法師

上相上宰  
上保上傅

太平下教二十四真人  
西城總真王君

太乙真人  
東嶽上卿 司命茅君定錄保命二真人  
名山洞府得道神仙

三界官屬一切真靈

臣聞 運值真風 職參道要 智不該於聞見 心未達於筌蹄  
徇利酤名 屢移情於世習 望洋向漢徒延想於丹華 若非竭蹶 以

通靈第 恐因循而悔忤 故於懇請 敢不遵依 爰有忱詞 謹當宣  
奏

宣詞

按如詞懇 備見忱誠 諒達天慈 必回聽覽

### 羅天大醮午朝科

清微藏書閣

臣聞 數起於一 位成乎三 一為萬物之宗 三貫兩儀之序  
兩儀合德 三景著明 正晝夜而有經 運四時而不忒 大維四海  
別分野之災祥 微止一身 合年庚而陶鑄 所以星辰斗宿 隨陽道  
以流躔 祿相命財 屬天官之主筭 貴賤任分 皆是夤緣 窮通有  
時無非注賜 今齋官某 慶逢昌運 生遇明時 身命祿財 諒必由  
於臨照 氣形質具 幸允襲於沖和 知寵若驚 畏天奉戒 潔蘭場  
而薦祉 嚴科範以伸虔 仰奉 宸猷肅陳 祀事時也 烏輪停馭  
玉宇消氛 葵影正而不偏 圭法明而易見 取驗中高之勢 深得其  
宜 坐觀斜側之端 獨超所寓 方士法之而觀空入靜 聖人用之而  
治世為常 惟此正時 密符妙化  
以今 臨午行道 請法眾等 運茲初捻上香 願此香煙騰空  
徑上

三清之境 臣等皈身 皈神皈命 首體投地 仰依  
太上三尊 以是捻香功德 上祝 當今皇帝 伏願 九廟儲庥 三  
辰效祉 體堯仁而光被四表 繼周道而賴及萬方 纒弓矢而戢干戈  
修文偃武 省刑罰而薄稅歛 阜俗安時 再變淳風 重光邃古

今故燒香 自皈依  
道尊大聖眾至真之德 得道之後 保天長存

以今 臨午行道 請法眾等 運茲二捻上香 願此香煙騰空

徑上供養 三界十方 諸天大聖 齋官三代祖先亡過魂識 伏願  
陰境開明 陽魂審定 洞觀無礙 見真諦之皆空 反本還元 湛  
神襟之似海 參駕九苞之鳳 導迎十絕之幡 遊宴清都 超生樂國

今故燒香 自皈依

經尊大聖眾至真之德 得道之後 昇入無形

以今 臨午行道 請法眾等 運茲三捻上香 願此香煙騰空

徑上供養 靈山海嶽 得道神仙 合家人眷 本命元辰 伏願 景

命緝熙 晨風扇祉 壽考延洪於星舍 康榮厚衛於生經 藹藹高門

時臻吉事 振振後緒 益熾徽聲 和順肅雝 樂育文明之化國

騰驤 隆光禮義之名家 儲慶有餘 延禧可大 今故燒香 自

皈依

師尊大聖眾至真之德 得道之後 與道合真

唱方 懺悔 命魔

## 羅天大醮午朝科

清微藏書閣

三啟頌 三禮

重稱法位

具位 與臨壇官眾等 謹同誠上啟

三境至尊

十方上聖

玉京金闕天帝天真

十方師尊聖眾

三界官屬 一切威靈

臣聞 空相無門 外形聲而致禱 道心有感 因視聽以發機

常無為而無不為 善救物而無棄物 臣等量惟至淺 德亦甚孤 進

道階梯 渺然無際 修真事業 豈曰有為 獨抱不移之愚 欲探無

名之蹟 故每推誠之盡節 必須後己以先人 思濟苦輪 宜宣妙範

今時齋官某 夙膺重契 仰戴大明 保儉安淳 早服**事天之嗇**

潔精澄慮 不忘祇戒之勤 嚴奉科條 肅明禋祀 蘭缸啟夜 想像

星垣梵韻騰空 聲聞霄極 冀款五明之仙馭 少停三境之宸遊 昭

格上元 啟陳無極 恭望

皇穹上帝 圓極高真 法界仙靈 羅天上聖 芝輶曄曄 千官絡繹  
以周流 聖筭無疆 保固山河而作鎮 齋官某伏願 百靈拱衛 五  
物防閑 捍厄扶衰 屏妖魔之故氣 延齡益筭 沐仙聖之餘光 福  
嚴運用以時新 禍掩行藏而日替 操守克全於富盛 溫恭允著於名  
聞 家以慶傳 人從行顯 見存長幼 咸享歡康 過去宗親 悉蒙  
開度 城隍里社 翊衛靈壇 符使功曹 肅清黃道 各效功勤之力  
竚陞品秩之階 一切含生 俱沾法潤  
上明天尊大慈之澤 下副臣等皈命之誠 謹啟以聞

發願

- |         |         |
|---------|---------|
| 一願靈光下燭  | 二願道月揚輝  |
| 三願恩宣九地  | 四願誠達天威  |
| 五願真靈俱會  | 六願道炁周圍  |
| 七願天堂開敞  | 八願地獄隳摧  |
| 九願玄功普被  | 十願駕景空飛  |
| 十一願普天懷德 | 十二願道化無為 |
- 復爐

羅天大醮午朝科

清微藏書閣

存神燒香

香官使者 左右龍虎君 侍香諸靈官 當令臣向來 午朝陞壇行道  
之所 自然生金液 丹碧芝英 百靈眾真 交會在此 香火爐前  
當願 十方仙童玉女 接待蘭筵 傳臣向來所奏之誠 速達徑上  
至真無極大道  
三清上聖

昊天至尊金闕玉皇上帝 御前

羅天大醮午期科竟

天運壬辰年巳月正一天師清微弟子洪鼎堅率門人

羅大英 安羅飛恭錄彙編  
蔣科靜複校